

傷寒補天石

②



傷寒補天石卷下

明吳中戈維城存橘甫著

二然朱陶性校

時行疫證第五十二

一名時氣
一名時疫

時行者春應暖而反大寒夏應熱而反大涼秋應涼而反大熱冬應寒而反大溫此非其時而有其氣是以一歲之中長幼之病多相似者此卽時氣春感寒邪在肝升麻葛根湯夏感涼邪在心調中湯秋感熱邪在肺蒼朮白虎湯冬感寒邪在腎名曰冬溫萎蕤



1964
中醫藥大學圖書館版權所有

湯溫疫通用人參敗毒散加芍藥葛根升麻從春分
至秋分天有暴寒者皆爲時行寒疫宜用辛溫藥發
散時氣表證見者人參敗毒散裏證具者大柴胡湯
半表半裏者小柴胡湯

寒疫傷寒第五十三

寒疫者天令暴寒入感冒之卽病也其證與正傷寒
同但感冒爲輕未發熱藹查正氣散已發熱十味芎
蘇散發熱體痛羌活冲和湯主之

中暑中暍第五十四

暍卽熱病也。動而得之爲中熱。靜而得之爲中暑。寒傷形。熱傷氣。傷寒則外惡寒而脈浮緊。傷暑則不惡寒而脈虛。故曰脈盛身寒得之傷寒。脈虛身熱得之傷暑。傷熱傷暑亦自不同。有熱傷太陽經與傷寒相似者。有熱傷心脾二經而不在太陽者。要在明辨治之也。經曰太陽中暑者暍是也。其人汗出惡寒身熱中暍也。成無已曰汗出惡寒身熱不渴者中風也。汗



出惡寒身熱而渴者中暍也。又曰太陽中暍者身熱
體重而脈微弱。此以夏月傷冷水水行皮中所致也。
夏時暑熱以水灌洗而得之。又曰太陽中暍發熱惡
寒身重疼痛其脈弦細。遲小便已洒洒然毛聳手
足逆冷。小有勞身即熱口開前板齒燥。內經曰因於
暑汗煩而喘渴口開以喘渴不止故前板齒燥。若發
汗則惡寒甚。加溫鍼則發熱甚。數下之則淋甚。並用
人參白虎湯。東垣曰動而傷暑心火太甚肺氣全虧。

故身熱脈洪大動而火勝者熱傷氣也白虎加人參
主之辛苦之人多得之靜而傷暑火乘金位肺氣損
衰故惡寒脈沉疾靜而濕勝者身體重也白虎加蒼
朮王之安樂之人多受之暑傷心心不受邪包絡受
之包絡本相火也以火濟火故熱甚而昏不省也急
用童便灌醒隨用黃連香茹飲冷服之戴元禮云暑
風卒倒有因火者有因痰者火者君相二火也暑者
天地二火也內外合而炎爍所以卒倒也痰者人身

之痰飲也因暑氣入而鼓激痰飲塞碍心竅則手足
不知動撮而卒倒也此二者皆可吐經曰火鬱則發
之吐則發散也吐醒後可以清劑治之暑傷脾胃嘔
吐瀉利者黃連香茹飲合五苓散加木通滑石主之
蓋黃連退熱香茹消暑五苓利水也若外傷暑熱內
傷生冷外熱內寒宜先溫中消食次宜清暑補氣東
垣清暑益氣湯則兼此意蓋人參黃芪白朮升麻葛
根麥冬五味黃栢甘草是清暑益氣也蒼朮青皮陳

皮神麴澤瀉是治內補脾也暑傷元氣身熱而煩四肢困倦不思飲食者清暑益氣補中益氣主之蓋病暑之人其氣必虛暑傷元氣故當補氣爲本惟肺熱多火者忌人參二朮凡暑證有胃有傷有中三者輕重虛實不同若嘔吐惡心腹痛泄瀉此爲胃暑黃連香茹合四苓散并清暑益氣主之若身熱頭疼躁亂不寧身如鍼刺者此爲傷暑因暑傷內分也白虎合解毒加柴胡主之若寒熱咳嗽汗出不止脈數者熱

在肺金火乘金也此爲中暑清肺湯天水散主之急

治則可遲則不救凡暑病脈雖虛手足雖冷原不可

用熱藥當清暑之劑及利小便爲本凡日中勞役熱

傷元氣者清暑益氣湯固矣若避暑納涼反爲陰寒

所遏周身陽氣不得伸越以致頭身拘急肢節疼痛

肌膚大熱惡寒無汗此雖中暑而致亦宜用辛溫之

劑以解表散寒也清暑香茹飲夏月有四證傷寒傷

風脈證互見中暑熱病疑似難明脈緊惡寒謂之傷

若果陳年花甘

寒脈緩惡風謂之傷風脈盛壯熱謂之熱病脈虛身
熱謂之傷暑凡暑脈必虛或浮大而散或弦細芤遲
蓋熱傷氣故氣消而脈虛弱無風卒倒切不可與冷
水飲并卧濕地其法急用童便灌醒及用布蘸熱湯
熨臍并氣海續續令暖氣透徹臍腹俟醒省然後進
藥注夏由於脾胃薄弱胃家有濕熱乃留飲所致夏
初春末頭疼脚軟食少體熱者是也治用補中益氣
去柴胡升麻加麥冬五味芍黃栢黃芩山梔知母

傷濕中濕風濕第五十一

傷濕者。濕傷太陽經也。中濕者。濕中太陰經也。少陰經也。風濕者。先傷風。後傷濕。風濕相搏而爲病也。太陽病。關節疼痛而煩。脈沉而細者。此名濕痺。小便不利。大便反快。但當利其小便。五苓散中濕。一身盡痛。而黃。脈沉而緩。小便不利。便反快。甘草附子湯合五苓。有黃。加茵陳。大小便俱利。無黃。木附湯。風濕一身重。痛不能轉側。額上微汗出。惡寒。不欲去衣。大便

難小便利熱至日晡而甚經曰病者一身盡痛發熱
日晡所劇者此名風濕此病由汗出當風或久傷濕
冷所致也治宜微解肌麻黃杏仁苳米甘草湯不嘔
不渴脈浮虛者桂枝附子湯羌活沖和湯若止發汗
則風去濕存非但無益而又害之濕多身痛小便利
利甘草附子湯煩渴咽痛小便不利五苓散無熱不
渴小便自利木附湯脈緩弱昏迷腹滿身重自汗失
音下利不禁白通湯腫痛微喘惡風杏仁湯人參敗

毒散熱而煩渴。瓜蒌根散。小柴胡加花粉亦可。濕家病。身疼痛。發熱面黃而喘。頭痛鼻塞而煩。其脈大者。能飲食。腹中和無病。病在頭中寒濕。故鼻塞。以黃瓜散納鼻中。黃水出則愈。濕家頭汗出。背強。欲得覆被向火。若下之早。則歲胸滿。小便不利。舌上如胎者。以丹田有熱。胸中有寒。渴欲飲水而不能飲。則口燥煩也。濕家若下之。額上汗出而喘。小便利者死。若下利不止者。亦死。汗出微喘。陽氣上逆也。小便利下利陰



氣下流也。陰陽相離故云死矣。經曰：地之濕氣感則害人皮肉筋骨。故其病筋骨疼痛，重痛不可轉側，四肢不利。若濕在上，病頭重，嘔吐，濕在中，病腹滿，泄瀉，濕在下，病腫跗腫，脚氣，臃瘡，久不愈。凡濕能傷脾，土土一虧，諸病生焉。滯而爲喘咳，漬而爲嘔吐，溲而爲泄瀉，溢而爲浮腫，鬱於皮肉，卽發黃，流於腎，則重着腰痛，入於關節，則一身盡痛，挾風則頭目昏眩，嘔噦心煩，兼寒則拳攣，掣痛無汗，惡寒，帶熱則煩渴。

引飲心腹痛多汗其脈沉緩而微其證四肢重痛不舉法當利其小便或微汗以散之或燥濕以除之經曰治濕不利小便非其治也

濕溫證第五十六

濕溫者素傷於濕因而中暑濕與熱相搏則爲濕溫其脈陽軟而陰弱弱小而急其證胸腹滿目疼壯熱妄言自汗兩脛逆冷攣急而痛倦怠惡寒若發其汗使人不能言耳聾不知痛處其證身青面色變醫殺之



耳濕溫不可汗。汗之名重暍死。病在太陰。蒼朮白虎湯。濕甚身盡痛。發熱身黃。小便不利。大便反快。五苓散。加茵陳。臍虛自利甚。理中湯。朮附湯。加人參。香茹扁豆。

水氣第五十七

凡人渴欲飲水不可不與。亦不可多與。不與則津液枯竭。無由作汗。多與則水氣停積。變生他病矣。如水停于心爲悸。爲水結胸。射于肺爲喘。爲咳。留于胃爲

噎爲噎畜于下爲癰滲于腸中爲利溢于皮膚爲腫
皆水過多也傷寒表未解心下有水氣乾嘔發熱而
咳或渴或利或噎或小便不利小腹滿或咳者小青
龍湯桂枝甘草之甘辛以發散表邪乾薑半夏細辛
之辛以行水氣而潤腎芍藥五味之酸以收逆氣而
安靜少陰病四五日腹痛小便不利四肢沉重疼痛
自下利者此爲有水氣其人或咳或小便利或下利
或嘔者真武湯心下怔忡頭微汗出但結胸無大熱